

經義考卷二百六十八

秀水 朱彝尊 編

男 昆田 校

合正擬經一

揚氏 雄 太彖經章句

隋志九卷

存 章句佚

漢書雄大潭思渾天參摹而四分之極於八十一旁則三
摹九據極之七百二十九贊亦自然之道也故觀易者見
其卦而名之觀彖者數其畫而定之彖首四重者非卦也
數也其用自天元推一晝一夜陰陽數度律曆之紀九九
大運與天終始故彖三方九州二十七部八十一家二百

四十三表七百二十九贊分爲三卷曰一二三與泰初曆相應亦有顓頊之曆焉揅之以三筭關之以休咎緝之以象類播之以人事文之以五行擬之以道德仁義禮智無主無名要合五經苟非其事文不虛生爲其泰曼漈而不可知故有首衝錯測攤瑩數文規圖告十一篇皆以解剝予體離散其文章句尙不存焉

漢紀雄好賦頌晚節以爲無益而輒止乃依易著太予經其文五十萬筭之以三十筭關之以休咎播之以人事義合五經而辭解剝予體十一篇復爲章句

桓譚曰揚雄作予書以爲予者天也道也言聖賢制法作事皆引天道以爲本統而因附續萬類王政人事法度故宓犧氏謂之易老子謂之道孔子謂之元而揚子謂之予

太乎經三篇以紀天地人之道立三體有上中下如禹貢之陳三品三三而九因以九九八十一故爲八十一卦以西爲數數從一至四重累變易竟八十一而徧不可損益以三十五著揲之乎經五千餘言而傳十二篇 又曰揚子雲才知聞道卓絕於眾所造法言太乎漢興以來未有此也 又曰揚雄不貧則不能作乎言

張衡曰觀太乎經知子雲殆盡陰陽之數也非特傳記之屬實與五經相擬

王充曰揚子雲作太乎造法言張伯松不肯一觀與之並肩故賤其言使子雲在伯松前伯松以爲金匱矣 又曰子雲作太乎侯鋪子隨而宣之

陸績曰雄建立乎經與聖人同趣雖周公繇大易孔子修

春秋不能是過

葛洪曰揚雄著太罕經夢吐白鳳凰集其頂上而滅 又
曰揚雄酒不離口而太罕乃就

王隱曰罕經雖妙非益也是以古人謂其屋下架屋

袁準曰太罕幽虛而少效

阮孝緒曰太罕經九卷揚雄自作章句

顏之推曰揚雄投閣周章怖懼不達天命而桓譚以勝老
子葛洪以方仲尼直以曉算術解陰陽故著太罕經夫太
罕今竟何用乎不啻覆醬瓿而已

韓顯宗曰揚雄著太罕經當時不免覆盎之談二百年外
則越諸子

王涯曰八十一首擬乎卦九贊之位類夫爻易以八八爲

數其卦六十有四，以九九爲數，其首八十有一。易之占以變，以筮以逢，數有陰陽，而時有晝夜。首有經緯而占，有旦夕參而得之，謂逢四位成列性在其中矣。九虛旁通情在其中矣。以一生三，以三生九，以九生二十七，以二十七生八十一，三相生，以之數也。一首九贊，故有七百二十九贊，其外踦贏二贊，以備一儀之月數。以之首也，始於中之始也，在乎一一之所配。自天元甲子朔旦冬至，惟一晝一夜終而復始。天元二十七首中至事，地元二十七首更至。昆人元二十七首減至養。

宋維幹曰揚子欲贊明易道乃大覃思渾天而作太彖蓋
 卒生於一而極於三天地人各有九重三而變故有二十
 七部天取其一地取其二人取其三自下相重三位成列

各以其數成方州部家之道也因而革之推而盪之故謂之二表升降於六十四卦其成於八十一家由是廣其二材統成九位行陰陽進退之氣窮日星經緯之機有九州以統二十七部有二十七部以統八十一家自家至州統之於伯是以三材備而萬物生乃以三材配屬於一家乃以三家配屬於一部乃以三部配屬於一州乃以三州配屬於一方乃以三方配屬於一歲莫不推之以宿度佐之以五行首以準卦贊以類爻表以會象卒以明易運則通通則久久則極極則變變也者周而復始之謂也觀夫易象設位自下而生卒道位分自北而運運則能覆生則能載覆載交泰兩儀成動變在中吉凶休咎見乎外也故知觀卒者知易道之至深觀易者知卒道之至大卒則易也

易則乎也乎則上行乎天地之氣易則下通乎天地之神
其用自中乎推六十四卦陰陽之度數律曆之紀綱九九
大運之終始也詳夫聖人觀象於天觀法於地知天之氣
五日一移七日一節地之氣五日一應七日一易進退有
度出處有時所以拱默而經緯乎天下莫不其防也在乎
微其杜也在乎漸二分二至履霜堅冰戒懼之至也所謂
太卒之作其知幾乎若夫天道左行日月右迎天象昭列
經緯時成陰陽相交晬魄相感陰陽氣盛感而下達地氣
右動山澤相通陰陽相交晬魄相感陰陽氣盛感而上通
天地氣交水火相薄雷風相盪剛柔相摩寒暑生焉變化
行焉四時成焉萬物立焉精氣爲物遊魂爲變變也者各
有所歸天地以之乎相承彰往察來窮微盡變如谷從響

無有幽遐非覃思之至精孰能與於此乎

吳祕曰太予其事則述其書則作按自子辰申子冠之以甲分二十七章爲一會八十一章爲一統從子至辰自辰至申自申至子凡四千六百一十七歲爲一元與太初曆相應亦有顓頊曆焉此其事則述也作二百四十二表七百二十九贊十一篇此其書則作也

邵子曰揚雄作予可謂見天地之心者也

司馬光曰予少之時聞予之名而不獲見獨觀揚子雲之自序稱予盛矣及班固爲傳則曰劉歆嘗觀予謂雄曰空自苦今學者有祿利然尙不能明易又如予何吾恐後人用覆瓿也雄笑而不應諸儒或譏以爲雄非聖人而作經猶春秋吳楚之君僭號稱王蓋誅絕之罪也固存此言

則固之意雖愈於歆亦未謂予之善如揚子所云也予亦私怪揚子不贊易而別爲帛易之道其於天人之蘊備矣揚子豈有以加之乃更爲一書且不知其焉所用之故亦不謂揚子宜爲帛也及長學易苦其幽奧難知以謂帛者賢人之書校於易其義必淺其文必易夫登喬山者必踐於峽岬適滄海者必沿於江漢故願先從事於帛以漸而進於易庶幾乎其可跂而望也於是求之積年乃得觀之初則溟滓漫漶略不可入乃研精易慮屏人事而讀之數十過參以首尾稍得窺其梗槩然後喟然置書歎曰嗚呼揚子真大儒者耶孔子旣歿知聖人之道者非揚子而誰孟與荀殆不足擬況其餘乎觀帛之書昭則極於人幽則盡於神大則包宇宙細則入毛髮合天地人之道以爲一

刮其根本示人所出胎育萬物而兼爲之母若地履之而不可窮也若海挹之而不可竭也蓋天下之道雖有善者其蔑以易此矣考之渾元之初而乎已生察之於當今而乎非不行窮之於天地之末而乎不可亡叩之以萬物之情而不漏測之以鬼神之狀而不違槩之以六經之言而不悖藉使聖人復生視乎必釋然而笑以爲得己之心矣乃知乎者所以贊易也非別爲書以與易競也何歆固知之之淺而過之之深也或曰易之法與乎異揚子不遵易而自爲之制安在其贊易乎且知與易同道則既有易矣何以乎爲曰夫政者所以爲禽也網而得之與弋而得之何以異哉書者所以爲道也易網也乎弋也何害其既設網而使弋者爲之助乎子之求道亦謬矣且揚子作法言

所以準論語作乎所以準易子不廢法言而欲廢乎不亦
惑乎夫法言與論語之道庸有異乎乎之於易亦然大厦
將傾一木扶之不若眾木扶之之爲固也大道將晦一書
辨之不如眾書辨之之爲明也學者能專精於易誠足矣
然易天也乎者所以爲之階也子將升天而廢其階乎先
儒爲乎解者多矣然揚子爲文旣多訓詁指趣幽邃而乎
又其難知者也故子疑先儒之解未能盡契揚子之志世
必有能通之者比老終且學焉 又曰易與太乎大抵道
同而法異易畫有二曰陽曰陰乎畫有三曰一曰二曰三
易有六位乎有四重易以八卦相重爲六十四卦乎以一
二三錯於方州部家爲八十一首易每卦有六爻合爲三
百八十四爻乎每首有九贊合爲七百二十九贊皆當期

之日易有元亨利貞乎有罔直蒙吉冥易大衍之數五十其用四十有九乎天地之策各十有八合爲三十六策地則虛三用三十三策易揲之以四乎揲之以三易有七九八六謂之四象乎有一二三謂之三幕易有彖乎有首易有爻乎有贊易有象乎有測易有文言乎有文易有繫辭乎有攤瑩規圖告易有說卦乎有數易有序卦乎有衝易有雜卦乎有錯殊途而同歸百慮而一致皆本於太極兩儀三才四時五行歸於道德仁義也

林之奇曰揚子雲之太乎蓋擬於易之數也其泰積之要始於十有八筴終於天地人之數五十有四其爲七十有二而其半爲泰中之數故三十有六筴而虛三以筮焉此其爲多寡乘除之法又若有異於易者

楊時曰揚雄作太罕準易此最爲誑然學後之人徒見其
言艱深其數汗漫遂謂雄真有得於易故不敢輕議其實
雄未嘗知易也

朱或曰揚子雲作太罕以擬易先儒已有屋下架屋之誚
予嘗讀之拘拘於句法之蹈襲字訓之模倣信乎其不可
也易以八爲數推之而爲六十四罕以九數轉之而爲八
十一易有元亨利貞罕有罔直蒙酋易有彖罕有首易有
爻罕有贊易有象罕有測易有說卦序卦雜卦罕有數有
衡有錯易曰雲從龍風從虎罕則曰風識虎雲知龍易闢
戶之謂乾闢戶之謂坤罕則曰闢天之謂宇闢字之謂宙
其他率多此類亦何取於罕哉及讀桓譚新論又知一三
九之類亦老子之緒餘耳而張衡謂其與易相擬陸績宋

衷范望王涯之徒尤酷嗜之溫公至謂叩之以物之情而不漏測之以鬼神之狀而不違槩之以六經之言而不悖是皆溺於所好未得爲公論也

朱震曰曆元始於冬至卦氣起於中孚其書本於夏后氏之連山子雲通達陰陽之數故太辛之作發明連山之旨以準周易爲八十一卦凡九分其二卦一五隔一四細分之則四分半當一日準六十卦一卦六日七分也中中孚也周復也礪閑屯也少謙也戾睽也上千升也姤羨臨也此冬至以至大寒之氣也差小過也童蒙也增益也銳漸也達交泰也更侯需也從進隨也釋解也格夷大壯也樂豫也爭訟也務事蠱也更革也斷毅夬也此立春以至穀雨之氣也裝旅也眾師也密親比也斂小畜也彊睥乾也

盛大有也居家人也法井也應離也迎咸也遇姤也竈鼎也大廓豐也文渙也禮履也逃唐遯也常恆也此立夏以至大暑之氣也永恆也度節也昆同人也減損也嗟守否也翕巽也聚萃也積大畜也飾賁也疑震也視觀也沈兌也內歸妹也去无妄也晦瞽明夷也窮困也剝剝也此立秋以至霜降之氣也止堅艮也成既濟也闕噬嗑也失劇大過也馴坤也將未濟也難蹇也勤養坎也此立冬以至大雪之氣也日月之行有離合陰陽之數有盈虛踦贏二贊有其辭而無其卦而附之於養者以閏爲虛也踦火也日也贏水也月也日月起於天元之初歸其餘也蓋定四時成歲者以其閏月再劫而後掛者由於歸奇六日七分必加算焉以三百六十五日四分之不齊也坎離震兌四

正之卦也二十四爻周流四時乎則準之日右斗左秉巡
六甲東西南北經緯交錯以成八十一首也一月五卦也
侯也大夫也卿也公也辟也辟居於五謂之君卦四者雜
卦也乎則準之故一乎象辟三方象三公九州象九卿二
十七部象大夫八十一首象元士其大要則曆數也律在
其中也體有所循而文不虛生也

張行成曰乎紀日於牛宿者法日也紀氣於中首者法天
也以罔冥爲乎則艮之終始萬物神妙之理故太乎於三
易實依連山而作也

晁公武曰太乎經十卷漢揚雄子雲撰雄作此書當時以
謂其艱深其後字讀多異予嘗以諸家本參校不同者疏
於其上且發策以問諸生云揚雄準易作太乎經其自序

稱乎盛矣而諸儒或以爲猶吳楚僭王當誅絕之罪或以爲度越老子之書大抵譽之者過其實毀之者失其眞皆未可信然譬夫聽訟曾未究其意烏能決其曲直哉今欲論乎之得失必先窺其奧然後可得而議也夫乎雖準易然託始高辛太初二曆而爲之故乎有方州部家凡四重而爲一首九贊通七百二十九贊有奇分主晝夜以應三百六旬有六日之度首準一卦始於中準中孚而終於養準頤二十四氣七十二候與夫二十八宿錯居其閒先後之序蓋不可得而少差也夫易卦之直日起於漢儒之學舍四正卦取六十卦之爻三百六十各直一日此乎之所準者也然易之卦直日其亦如乎之首有序乎抑無也若亦有之則雄之爲乎不亦善乎不然則乎之序亦贅矣自